



炊粿

「看這一、二十斗猶咧碧水的粿漿，明仔載的碯頭一定嘛是猶閣誠硬篤，尤其這甜粿咧炊閣儂，明仔載你著愛較早來咧，若無，恁阿桑會做甲歪腰。」

鳳美仔雙手掙彼拄才炊好、猶閣燒滾滾的紅龜粿，跔步是三步做兩步行，對灶跔行去客廳，那行那交代替紅龜粿抹油的阿娥仔。

鳳美仔個兜的廳頭，原本囤甲滇滇滇攏是做好等欲交工廠的手橐仔和電子零件，現此時已經清甲空空空，廳裡的桌仔頂、椅條恰椅頭仔頂懸，全全是炊好咧等涼的紅龜粿、甜粿。阿娥仔蠅佇壁邊，已經忝甲目睷皮強強欲瞞去，倒手彼塊碗提袂牢，差一點仔就損損破。鳳美仔看著，粿緊囤咧，連鞭行到阿娥仔的身軀邊，共伊手底彼塊貯火油的碗接過來共講：「今仔日天猶未光，你就來遮鬥跔手，一工無閒貼貼，連大人都感覺誠忝頭矣，莫怪你會愛困！」

阿娥仔去予鳳美仔叫醒了後，倚佇壁邊，頭仔犁犁，感覺歹勢歹勢，喙內敢若含一粒滷卵全款，一句話含咧糊咧講袂清楚。看伊這款模樣，鳳美仔已經臆出阿娥仔講袂出喙的心事，隨對圍軀裙的橐袋仔內底擣八張紅色十箍的紙票出來，順勢共曝佇灶跔竹篙頂的彼搶煙腸恰兩尾鹹魚提落來，交予阿娥仔。

鳳美仔吐大氣講：「雖然講恁彼个無責無任的老爸共我的會仔錢款咧走，猶毋過阿桑叫你來遮鬥相共，毋是欲叫你來做拄數，我是想講你一个才十一、二歲囡仔囤爾，連欲去加工區人嘛無欲倩，來遮加減趁一寡所費，毋過阿桑能力嘛有限，無法度打傷濟錢予妳。」

人講：「貧在街頭無人問，富在深山有遠親。」自從個老爸欠規身軀債走路了後，債主逐日侵門踏戶來欲討數，予一寡原底猶捌行跔到的親情朋友，現此時看著阿娥仔個姐弟仔就若看著鬼全款，會當閃就閃，會當避就避。世情的冷暖，予小小年紀的阿娥仔感受真深。

阿娥仔共手裡的錢拎牢牢，煙腸恰鹹魚曝過日頭的芳味一直衝對鼻空內，阿娥仔目屎那流，心內一直咧想「遠親不如近鄰」這句話。

作者：洪淑昭

☆詞彙學習☆

【碯頭】sit-thâu：本指農事，今則泛指一切工作。

【硬篤】ngē-táu/ngī-táu：困難、艱鉅。

【蠅】un：蜷曲身體、曲身蹲坐。

【忝頭】thiám-thâu：非常疲累。

【拄數】tú-siàu：抵償債務。

【所費】sóo-huì：費用、花費。

【拎】gīm：又唸作 gîm。把東西緊緊地握在手中。

【煙腸】ian-tshiāng：俗唸作 ian-tshiàn。香腸。用碎肉、香料等填入豬腸製成的食品。